



О'ZBEKISTON RESPUBLIKASI VAZIRLAR МАНКАМАСИНING QARORI

20 21 yil « 4 » may

№ 271

Toshkent sh.

Йўл ҳаракати хавфсизлиги соҳасида давлат хизматлари кўрсатиш тартиб-таомилларини соддалаштириш чора-тадбирлари тўғрисида

Ўзбекистон Республикаси Президентининг “2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Илм, маърифат ва рақамли иқтисодиётни ривожлантириш йили”да амалга оширишга оид давлат дастури тўғрисида” 2020 йил 2 мартағи ПФ–5953-сон ҳамда “2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Ёшларни қўллаб-куватлаш ва аҳоли саломатлигини мустаҳкамлаш йили”да амалга оширишга оид давлат дастури тўғрисида” 2021 йил 3 февралдаги ПФ–6155-сон фармонлари ижросини таъминлаш мақсадида Вазирлар Маҳкамаси қарор қилади:

1. Ўзбекистон Республикаси Ички ишлар вазирлиги ҳамда Адлия вазирлигининг 2021 йил 1 августдан бошлаб қўйидаги давлат хизматларини Ўзбекистон Республикаси Ягона интерактив давлат хизматлари портали (кейинги ўринларда – ЯИДХП) орқали кўрсатиш тартибини жорий этиш тўғрисидаги таклифлари маъқуллансин:

автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатувчи юридик шахсларнинг ўқув гурухларини (кейинги ўринларда – ўқув гурухлари) рўйхатга олиш;

автомототранспорт воситалари ва шаҳар электр транспорти воситалари ҳайдовчилигига номзодлардан имтиҳонларни қабул қилиш учун ҳужжатларни ва миллий ҳайдовчилик гувоҳномасини расмийлаштириш.

2. Ўзбекистон Республикаси Президентининг “Давлат томонидан тартибга солинадиган соҳаларга хусусий секторни жалб этиш бўйича қўшимча чора-тадбирлар тўғрисида” 2020 йил 7 декабрдаги ПҚ–4913-сон қарорига мувофиқ миллий ҳайдовчилик гувоҳномасини бериш соҳасида 2021 йил 1 апрелдан бошлаб автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолияти учун лицензияга эга тадбиркорлик субъектларига (кейинги ўринларда – тадбиркорлик субъектлари) барча тоифадаги автомототранспорт воситаларини (троллейбус ва трамвайдан ташқари) бошқариш ҳукуқини

берувчи ҳайдовчилик гувоҳномасини олиш учун назарий ва амалий имтиҳонларни ўтказиш хуқуки берилганлиги маълумот учун қабул қилинсин.

Бунда:

ҳайдовчилик гувоҳномасини олиш учун назарий ва амалий имтиҳонлар Давлат йўл ҳаракати хавфсизлиги хизмати вакилининг бевосита ёки онлайн назорати остида ўтказилади;

назарий ва амалий имтиҳонларни муваффақиятли топширган шахсларга ҳайдовчилик гувоҳномасини олиш учун асос бўладиган махсус ҳимояланган сертификатлар берилади;

махсус ҳимояланган сертификатларнинг барча зарур реквизитлари тадбиркорлик субъекти томонидан давлат хизматлари марказлари ва ички ишлар органларига автоматлаштирилган ҳолда тақдим этилади.

3. Белгилансинки:

а) 2021 йил 1 августдан бошлаб ўкув гуруҳларини рўйхатга олиш, шунингдек, ҳайдовчиликка номзодлардан имтиҳонларни қабул қилиш учун ҳужжатларни ва миллий ҳайдовчилик гувоҳномасини расмийлаштириш учун барча тегишли ҳужжатларни ЯИДХП орқали ҳам тақдим этиш имконияти яратилади;

2022 йил 1 августдан бошлаб ўкув гуруҳларини рўйхатга олиш, шунингдек, ҳайдовчиликка номзодлардан имтиҳонларни қабул қилиш учун ҳужжатларни ва миллий ҳайдовчилик гувоҳномасини расмийлаштириш учун барча тегишли ҳужжатлар фақат ЯИДХП орқали тақдим этилади.

Бунда тадбиркорлик субъектларининг ўкув курсларини тутатган ҳайдовчиликка номзодлардан имтиҳон қабул қилиш учун ҳужжатларни расмийлаштириш бундан мустасно;

б) Ўзбекистон Республикаси Ички ишлар вазирлиги Давлат йўл ҳаракати хавфсизлиги хизмати (кейинги ўринларда – ДИҲХХ) органлари томонидан давлат хизматларини кўрсатиш борасидаги фаолиятни мониторинг ва назорат қилиш қўйидаги имкониятларга эга бўлган автоматлаштирилган электрон тизимдан фойдаланган ҳолда амалга оширилади:

автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатувчи юридик шахсларни ДИҲХХ органларининг автоматлаштирилган ахборот тизимига интеграция қилиш орқали ўкув гуруҳларидаги ҳайдовчиликка номзодларнинг дастлабки ва якуний электрон ҳисобини юритиш;

ўкув гуруҳларидаги ҳайдовчиликка номзодларнинг таълим жараёнидаги иштироқини ва якуний имтиҳонларни назорат қилиб, таълим сифатини баҳолаб бориш, шу жумладан, ҳайдовчиликка номзодларни ўқишга қабул қилиш, гуруҳдан гуруҳга ўтказиш, рўйхатдан чиқариш ва ўқишни тутатганлиги тўғрисидаги маълумотлар (сертификат, гувоҳнома ва бошқалар)ни электрон тарзда олиш;

автомототранспорт воситаларини бошқариш ҳукуқини бериш учун ҳайдовчиликка номзодлардан имтиҳонларни қабул қилишининг электрон навбат тизимиши йўлга қўйиш, имтиҳон топшираётган ҳайдовчиликка номзодларнинг шахсини идентификация қилиш ҳамда улар тўғрисидаги электрон маълумотлар базасини шакллантириш;

назарий ва амалий имтиҳонларни инсон омили аралашмаган ҳолда қабул қилиш ҳамда натижаларини автоматик тарзда баҳолаш ва расмийлаштириш;

ҳайдовчиликка номзодларга ДИХХХ органлари ҳамда тадбиркорлик субъектлари томонидан кўрсатилган хизматлар, шу жумладан, имтиҳонларни қабул қилиш жараёнларининг қонунийлиги, шаффофлиги, сифати ва самарадорлигини баҳолаш ҳамда уларнинг рейтингини юритиш;

миллий ҳайдовчилик гувоҳномаларини расмийлаштириш, шу жумладан, уларни алмаштириш ёки йўқолгани ўрнига янгисини олиш учун тақдим этилган хужжатларни электрон қабул қилиш ва рўйхатдан ўтказиш ҳамда электрон навбатга қўйиш;

в) автомототранспорт воситаларини давлат рўйхатидан ўтказиш ва уларга рўйхатдан ўтказиш давлат рақами белгиларини бериш, ҳайдовчиликка номзодлардан имтиҳонларни қабул қилиш ва миллий ҳайдовчилик гувоҳномасини расмийлаштириш (шу жумладан, алмаштириш ёки йўқолгани ўрнига янгисини бериш) фуқароларнинг доимий яшаш жойи бўйича рўйхатга олинган ҳудудидан қатъи назар, республиканинг барча ҳудудларида амалга оширилади.

Бунда:

автомототранспорт воситаларини давлат рўйхатидан ўтказиш ва уларга давлат рақами белгиларини бериш Тошкент, Нукус шаҳарларида ва вилоятлар марказларида биттадан рўйхатдан ўтказиш ва имтиҳон олиш бўлим (бўлинма)ларида экстерриториаллик тамойили асосида, республиканинг бошқа ҳудудларида фуқаронинг доимий яшаш жойи бўйича рўйхатга олинган ҳудудида;

миллий ҳайдовчилик гувоҳномасини расмийлаштириш (шу жумладан, алмаштириш ёки йўқолгани ўрнига янгисини бериш) ДИХХХнинг барча рўйхатдан ўтказиш ва имтиҳон олиш бўлим (бўлинма)ларида ҳамда камида 20 та давлат хизматлари марказларида экстерриториал тамойили асосида амалга оширилади.

4. Ўзбекистон Республикаси Президентининг 2021 йил 3 февралдаги ПФ-6155-сон Фармони билан тасдиқланган “Ёшларни қўллаб-қувватлаш ва аҳоли саломатлигини мустаҳкамлаш йили” давлат дастурида автомототранспорт воситалари ва улар эгаларининг тарихини акс эттирувчи электрон базани яратган ҳолда ҳайдовчидан талаб этиладиган хужжатларни электрон шаклга босқичма-босқич ўтказиш ишларини бошлиш белгиланганлиги маълумот учун қабул қилинсин.

2021 йил 1 сентябрдан бошлаб ҳайдовчилардан автомототранспорт воситасини бошқариш учун ишончнома (нотариал тартибда тасдиқланган), техник кўриқдан ўтказилганлиги тўғрисидаги маълумот, автотранспорт

воситалари ойналарининг тусини ўзгартиришга (қорайтиришга) рухсатнома электрон шаклга ўтказиш орқали мазкур ҳужжатларни автомототранспорт воситаси ҳайдовчисидан талаб этиш тартиби бекор қилинсин.

Ўзбекистон Республикаси Ички ишлар вазирлиги манбаатдор вазирликлар ва идоралар билан биргаликда 2022 йил 1 январга қадар илғор хорижий тажрибани пухта ўрганган ҳолда ҳайдовчидан талаб этиладиган ҳужжатларни электрон шаклга ўтказиш бўйича ишларни тўлиқ якунлаш юзасидан асосланган таклифлар киритсин.

5. Куйидагилар:

Автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатувчи юридик шахсларнинг ўқув гуруҳларини рўйхатга олиш бўйича давлат хизматлари кўрсатишнинг маъмурий регламенти 1-иловага мувофиқ;

Автомототранспорт воситалари ва шаҳар электр транспорти воситалари ҳайдовчилигига номзодлардан имтиҳонларни қабул қилиш учун ҳужжатларни ва миллий ҳайдовчилик гувоҳномасини расмийлаштириш бўйича давлат хизматлари кўрсатишнинг маъмурий регламенти 2-иловага мувофиқ тасдиқлансин.

6. Ўзбекистон Республикаси Ички ишлар вазирлиги Ахборот технологиялари ва коммуникацияларини ривожлантириш вазирлиги, Адлия вазирлиги билан биргаликда:

2021 йил 1 августга қадар ДҶХХХ органлари билан автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича фаолият юритувчи ўқув ташкилотларининг тегишли маълумотлар базалари электрон тизим орқали ўзаро интеграция қилинишини;

2021 йил 1 августга қадар давлат хизматлари ЯИДХП орқали кўрсатилишини таъминлаш учун зарур бўлган ахборот дастурларининг ишлаб чиқилишини ва улардан эркин фойдаланиш мақсадида бу борадаги давлат хизматларини кўрсатиш жараёнининг тўлиқ автоматлаштирилишини таъминласин.

7. Ўзбекистон Республикаси Ахборот технологиялари ва коммуникацияларини ривожлантириш вазирлиги Вазирлар Маҳкамаси ҳузуридаги Таълим сифатини назорат қилиш давлат инспекцияси ҳамда Ички ишлар вазирлиги билан биргаликда 2021 йил 1 июлга қадар автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолияти учун лицензияга эга тадбиркорлик субъектлари электрон ҳисобини юритиш реестрини шакллантирсиз ҳамда мазкур реестрни ЯИДХП тизимига интеграция қилган ҳолда унинг реал вақт режимида автоматик тарзда янгилаб борилишини таъминласин.

8. Ўзбекистон Республикаси Вазирлар Маҳкамаси хузуридаги Таълим сифатини назорат қилиш давлат инспекцияси ҳамда Давлат тест маркази Ички ишлар вазирлиги, Ахборот технологиялари ва коммуникацияларини ривожлантириш вазирлиги билан биргаликда бир ой муддатда ҳайдовчиликка номзодлардан назарий имтиҳонларни инсон омили аралашмаган ҳолда олиш тизимини жорий этиш билан боғлиқ ташкилий масалаларни назарда тутувчи чора-тадбирлар режасини ишлаб чиқсин ва бунда куйидагиларга алоҳида эътибор қаратилсан:

назарий имтиҳон саволларининг анимацион ёки бошқа шаклларда содда бўлишини ҳамда йўл ҳаракати қоидалари ва ўқув дастурида назарда тутилган мавзулар доирасида шакллантирилишини таъминлаш;

ҳайдовчилик гувоҳномасини олишга талабгорларга ҳар қандай усулда ёрдам бериш ёки турли хил телекоммуникация воситаларидан фойдаланиш имконини бермайдиган вақтни белгилаш ҳамда назарий саволлар тақрорланишининг олдини олиш;

ҳайдовчилик гувоҳномасини олишга талабгорлардан имтиҳон олиш жараёни жамоатчилик томонидан, шу жумладан, Интернет жаҳон ахборот тармоғи орқали кузатилиши имконини яратиш;

назарий саволларни мунтазам равишда сифат жиҳатдан янгилаб бориш;

фуқароларнинг йўл ҳаракати қоидалари бўйича билим даражасини (ихтиёрий равишда) синовдан ўtkазиш, шунингдек, ҳайдовчиликка номзодларнинг ўқув гуруҳларида олган билимларини текшириш бўйича Интернет жаҳон ахборот тармоғи орқали сервис хизматини тўлов асосида кўрсатиш.

9. Ўзбекистон Республикаси Ички ишлар вазирлиги Ахборот технологиялари ва коммуникацияларини ривожлантириш вазирлиги билан биргаликда 2021 йил 1 июлга қадар **ДИХХХ** органларида автоматлаштирилган электрон тизимларнинг ЯИДХПга интеграция қилинган ҳолда тўлиқ ишга туширилишини таъминласин.

10. Белгилаб қўйилсинки:

автоматлаштирилган электрон тизимлар билан ишлаш жараёнлари Ўзбекистон Республикаси Ички ишлар вазирлиги Йўл ҳаракати хавфсизлиги бош бошқармаси томонидан кузатилиб ҳамда мувофиқлаштириб борилади;

ҳайдовчиликка номзодлардан имтиҳон олиш ва миллий ҳайдовчилик гувоҳномаларини расмийлаштириш жараёнлари видео кузатув қурилмалари орқали ҳудудий **ДИХХХ** органлари томонидан назорат қилиб борилади;

ДИХХХ органларида автоматлаштирилган электрон тизимларни жорий этиш билан боғлиқ харажатлар Ўзбекистон Республикаси Ички ишлар вазирлиги Йўл ҳаракати хавфсизлиги бош бошқармаси Давлат йўл ҳаракати хавфсизлиги хизматининг моддий-техника базасини ривожлантириш, ходимларини рағбатлантириш ва мукофотлаш жамғармаси маблағлари ҳисобидан амалга оширилади;

фуқароларнинг йўл ҳаракати қоидалари бўйича билим даражасини (ихтиёрий равишда) синовдан ўтказиш, шунингдек, ҳайдовчиликка номзодларнинг ўқув гурухларида олган билимларини текшириш бўйича Интернет жаҳон ахборот тармоғи орқали сервис хизмати кўрсатишдан тушадиган маблағлар Ўзбекистон Республикаси Ички ишлар вазирлиги Йўл ҳаракати хавфсизлиги бош бошқармаси Давлат йўл ҳаракати хавфсизлиги хизматининг моддий-техника базасини ривожлантириш, ходимларини рағбатлантириш ва мукофотлаш жамғармасига йўналтирилади ва автоматлаштирилган электрон тизимларни жорий этиш харажатларини қоплаш ва ходимларни рағбатлантириш учун мақсадли сарфланади.

11. Белгилансинки, ҳайдовчиликка номзодлардан амалий имтиҳонларни қабул қилиш учун ДИҲХХнинг автоматлаштирилган электрон тизимларга интеграция қилинадиган замонавий автодромларини ташкил этиш ҳамда уларга маҳсус автотранспорт воситаларини харид қилиш Ўзбекистон Республикаси Ички ишлар вазирлиги Йўл ҳаракати хавфсизлиги бош бошқармаси Давлат йўл ҳаракати хавфсизлиги хизматининг моддий-техника базасини ривожлантириш, ходимларини рағбатлантириш ва мукофотлаш жамғармаси маблағлари ҳисобига молиялаштирилади.

12. Ўзбекистон Республикаси Ички ишлар вазирлиги:

икки ой муддатда мазкур қарорнинг 4-бандига мувофиқ янги тартиб жорий этилаётганлиги муносабати билан Ўзбекистон Республикасининг қонунчилик ҳужжатларига ўзгартиш ва қўшимчалар киритиш юзасидан таклифларни киритсин;

манфаатдор вазирликлар ва идоралар билан биргаликда ўzlари қабул қилган норматив-хуқуқий ҳужжатларни бир ой муддатда ушбу қарорга мувофиқлаштиrsин.

13. Мазкур қарорнинг бажарилишини назорат қилиш Ўзбекистон Республикаси ички ишлар вазири П.Р. Бобожонов зиммасига юклансин.

Ўзбекистон Республикасининг
Бош вазири



А. Арипов

Вазирлар Махкамасининг
2021 йил 4 майдаги 271-сон қарорига
1-илова

**Автомототранспорт воситалари ва шаҳар электр транспорти
воситалари ҳайдовчиларини тайёрлаш, қайта тайёрлаш ва уларнинг
малакасини ошириш бўйича нодавлат таълим хизматлари кўрсатиш
фаолиятини амалга оширувчи юридик шахсларнинг ўкув гурухларини
рўйхатга олиш бўйича давлат хизматлари кўрсатишнинг
МАЪМУРИЙ РЕГЛАМЕНТИ**

1-боб. Умумий қоидалар

1. Ушбу Маъмурий регламент (кейинги ўринларда – Регламент) автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини амалга оширувчи юридик шахслар (кейинги ўринларда – ариза берувчи)нинг ўкув гурухларини Ўзбекистон Республикаси Ягона интерактив давлат хизматлари портали (кейинги ўринларда – ЯИДХП) орқали рўйхатга олиш бўйича давлат хизматлари (кейинги ўринларда – давлат хизмати) кўрсатиш тартибини белгилайди.

2. Давлат хизмати ЯИДХП орқали Ўзбекистон Республикаси Ички ишлар вазирлиги Давлат йўл ҳаракати хавфсизлиги хизмати органлари (кейинги ўринларда – ДИҲХХ органлари) томонидан кўрсатилади.

3. ЯИДХП ва ДИҲХХ органлари ўртасидаги идоралараро электрон ахборот алмашинуви электрон рақамли имзо (кейинги ўринларда – ЭРИ)ни мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

4. Давлат хизматини кўрсатиш ушбу Регламентга 1-иловада келтирилган схема асосида амалга оширилади.

2-боб. Давлат хизмати кўрсатиш тартиби

5. Ариза берувчи давлат хизматидан фойдаланиш учун ЯИДХПда электрон рўйхатдан ўтади ва мустақил равишда ушбу Регламентга 2-иловада келтирилган сўровномани электрон шаклда тўлдиради.

6. Сўровномага ариза берувчининг ЭРИси билан тасдиқланган рўйхатга олиниши лозим бўлган ўкув гурухи тўғрисида батафсил маълумотнома ва ўқишига номзодларнинг сони 25 кишидан ошмаган ўкув гурухи рўйхати илова қилинади.

Сўровномани тўлдириш жараёнида ўқув гуруҳининг тури, яъни ҳайдовчиларни тайёрлаш, қайта тайёрлаш ёки малакасини оширишга ихтисослашганлиги бўйича автоматик тарзда кўшимча илова этилиши лозим бўлган ҳужжатлар рўйхати белгиланади.

7. Сўровнома тўлдирилиб, тегишли ҳужжатларнинг нусхалари илова қилинганидан сўнг ариза берувчи маълумотларнинг тўғрилигини текшириб, сўровномани ўз ЭРИси билан тасдиқлайди.

Сўровнома билан фақат битта ўқув гуруҳини рўйхатга олиш бўйича давлат хизмати кўрсатилади.

Ариза берувчидан белгиланган ҳужжатлар рўйхатида кўрсатилмаган бошқа ҳужжатларни талаб қилиш қатъий тақиқланади.

8. Давлат хизмати кўрсатилганлиги учун йифим ундирилмайди.

9. Сўровномада нотўғри маълумотлар кўрсатилиши ёки унга илова қилинган ҳужжатларнинг тўлиқ бўлмаслиги давлат хизмати кўрсатишни рад этиш учун асос ҳисобланади.

Давлат хизмати кўрсатишни бошқа асосларга кўра рад этиш қатъий тақиқланади.

10. ЯИДХП орқали берилган сўровнома автоматик тарзда тегишли хизмат кўрсатувчи ДИХХХ органига юборилади.

11. ДИХХХ органининг масъул ходими бир иш кунида:

а) тушган электрон ариза ва унга илова этилган ҳужжатлар тўғри ва тўлиқ тўлдирилганлигини текширади.

Бунда тушган ариза ва унга илова қилинган ҳужжатларда камчиликлар аниқлаган тақдирда, бу ҳақида ариза берувчига ЯИДХП орқали матрик штрихли код қўйилган ва ходимнинг ЭРИси билан тасдиқланган хабарнома жўнатилиб, камчиликларни бартараф этиш юзасидан батафсил тушунтириш берилади.

Ариза берувчи аризаси рад этилганлиги тўғрисидаги хабарномани олган кундан бошлаб ўн иш куни мобайнида ҳужжатлардаги камчиликларни тўғрилаб, такроран мурожаат қилиш хуқуқига эга;

б) маълумотлар тўғри ва ҳужжатлар тўлиқ бўлган тақдирда, ўқув гуруҳини алоҳида электрон журналда рўйхатга олади;

в) рўйхатга олиш натижаси ҳақидаги маълумотномани ариза берувчига ЯИДХП орқали матрик штрихли код қўйилган ва ходимнинг ЭРИси билан тасдиқланган ҳолда жўнатади.

12. Ариза берувчи давлат хизматидан фойдаланишдан уни кўрсатишнинг ҳар қандай босқичида бош тортиш хуқуқига эга. Ариза берувчи давлат хизматидан фойдаланишдан бош тортганда унинг сўровномаси кўрилмасдан қолдирилади.

3-боб. Якунловчи қоидалар

13. Автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини амалга оширувчи юридик шахслар ўқув гурӯҳларини ушбу Низомда белгиланган тартибда рўйхатга ўтказмаган ҳолда ташкил этишлари тақиқланади.

14. ДҶХХХ органлари ўз фаолиятини амалга ошириши натижасида олинган маълумотларнинг сир сақланишини таъминлайди.

15. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари мазкур Регламент талаблари ижроси бўйича ДҶХХХ органлари ҳамда бошқа ташкилотларнинг фаолияти устидан, шу жумладан, ЯИДХП орқали доимий назоратни ва мониторингни амалга оширади.


16. Ариза берувчилар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

17. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

Автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини амалга оширувчи юридик шахсларнинг ўқув гурухларини рўйхатга олиш бўйича давлат хизматлари кўрсатишнинг маъмурий регламентига

1-илова

Автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини амалга оширувчи юридик шахсларнинг ўқув гурухларини рўйхатга олиш бўйича давлат хизматларини кўрсатиш СХЕМАСИ



Автомотранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини амалга оширувчи юридик шахсларнинг ўқув гурухларини рўйхатга олиш бўйича давлат хизматлари кўрсатишнинг маъмурий регламентига

2-илова

(сана)

(ракам)

Автомотранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини амалга оширувчи юридик шахсларнинг ўқув гурухларини рўйхатга олиш бўйича давлат хизматларидан фойдаланиш учун

СЎРОВНОМА

I. Ариза берувчи – юридик шахс тўғрисида маълумот:

1. Юридик шахснинг тўлиқ номи:	
2. Ташкилий-хуқуқий шакли:	
3. Асосий фаолият тури:	
4. СТИР:	
5. МФО:	
6. Ҳисобварағи:	
7. Хизмат кўрсатаётган банк номи:	
8. Жойлашган жойи (почта манзили):	
9. Телефон рақами:	
10. Электрон почта манзили (агар мавжуд бўлса):	
11. Юридик шахснинг ишончли вакили Ф.И.О. ва ЖШ ШИР маълумотлари:	
12. Телефон рақами:	
13. Хизматдан фойдаланиш тури*:	

II. Сўровномага илова:

Ўқув гурухини давлат рўйхатидан ўтказиш учун зарур бўлган ҳужжатларнинг электрон шакли:**

Изоҳ.

* ДИЙХХ органларида рўйхатдан ўтказилиши лозим бўлган ўқув гурухининг тури, яъни ҳайдовчиларни тайёрлаш, қайта тайёрлаш ёки малакасини оширишига ихтисослашганилиги;

** Хизмат туридан келиб чиқиб ҳужжатлар рўйхати ва улар ҳақидаги маълумот Низом талаблари асосида автоматик тарзда белгиланади.

**Ариза берувчининг
электрон рақамли имзоси**

Вазирлар Маҳкамасининг
2021 йил 4 майдаги 271-сон қарорига
2-илова

**Автомототранспорт воситалари ва шаҳар электр транспорти
воситалари ҳайдовчилигига номзодлардан имтиҳонларни қабул
қилиш учун хужжатларни ва миллий ҳайдовчилик гувоҳномасини
расмийлаштириш бўйича давлат хизматлари кўрсатишнинг
МАЪМУРИЙ РЕГЛАМЕНТИ**

1-боб. Умумий қоидалар

1. Ушбу Маъмурий регламент (кейинги ўринларда – Регламент) автомототранспорт воситалари ва шаҳар электр транспорти воситалари ҳайдовчиларини тайёрлаш ва қайта тайёрлаш бўйича фаолият юритувчи ўқув ташкилотларини тугатган ҳайдовчиликка номзодлар ёки қонун хужжатларида имтиҳон топшириши назарда тутилган ҳайдовчилар (кейинги ўринларда – ариза берувчи)дан имтиҳон қабул қилиш ҳамда миллий ҳайдовчилик гувоҳномаларини алмаштириш ва йўқолгани ўрнига янгисини бериш юзасидан хужжатларни расмийлаштириш, шунингдек, учун Ягона интерактив давлат хизматлари портали (кейинги ўринларда – ЯИДХП) орқали мурожаат қилингандан давлат хизматлари кўрсатиш тартибини белгилайди.

2. Давлат хизматлари ЯИДХП орқали Ўзбекистон Республикаси Ички ишлар вазирлиги Давлат йўл харакати хавфсизлиги хизмати (кейинги ўринларда – ДИҲХХ) органлари ёки автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолияти учун лицензияга эга тадбиркорлик субъектлари (кейинги ўринларда – тадбиркорлик субъектлари) томонидан кўрсатилади.

3. Давлат хизматлари кўрсатиш ушбу Регламентга 1-иловада келтирилган схема асосида амалга оширилади.

2-боб. Давлат хизматлари кўрсатиш тартиби

4. Ариза берувчи давлат хизматидан фойдаланиш учун ЯИДХПда рўйхатдан ўтади ҳамда ушбу Регламентга 2-иловага мувофиқ электрон шаклдаги сўровномани тўлдиради.

5. Сўровномага илова этиладиган хужжатларнинг рўйхати кўрсатиладиган хизмат турларига мувофиқ Вазирлар Маҳкамасининг 2018 йил 31 майдаги 408-сон қарори билан тасдиқланган Давлат таълим муассасалари ҳамда автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини амалга оширувчи

бошқа юридик шахсларнинг ўқув гурухларини рўйхатга олиш, шунингдек, имтиҳонларни ўтказиш ва миллий ҳайдовчилик гувоҳномасини бериш тартиби тўғрисидаги низом (кейинги ўринларда – Низом) талаблари асосида сўровномани тўлдириш жараёнида автоматик тарзда белгиланади.

Сўровномага талаб этиладиган ҳужжатларнинг сканер қилинган “PDF” шаклидаги нусхалари илова қилинади.

6. Сўровнома тўлдирилиб, тегишли ҳужжатларнинг нусхалари илова қилинганидан сўнг ариза берувчи маълумотларнинг тўғрилигини текшириб, сўровномани ўз ЭРИси билан тасдиқлайди.

7. Давлат хизматлари кўрсатилиши учун базавий ҳисоблаш миқдорининг 10,0 фоизи миқдорида йиғим ундирилиши белгиланиб, қонун ҳужжатларига мувофиқ унинг 90,0 фоизи ундирилади.

Бунда ундирилган йиғим суммаси қуйидаги тартибда тақсимланади:

10,0 фоизи – Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармасининг шахсий ҳисобварағига;

11,25 фоизи – Ахборот-коммуникация технологияларини ривожлантириш жамғармасининг электрон ҳукумат ва рақамли иқтисодиётнинг идоралараро лойиҳаларини молиялаштириш бўйича маҳсус ҳисобварағига;

38,75 фоизи – Ўзбекистон Республикаси Ички ишлар вазирлиги Давлат йўл ҳаракати хавфсизлиги хизматининг моддий-техника базасини ривожлантириш, ходимларини рағбатлантириш ва мукофотлаш жамғармаси ҳисобварағига ўтказилади;

қолган маблағлар – Ўзбекистон Республикаси Давлат бюджетига ўтказилади.

8. Сўровномада хато маълумотлар кўрсатилган ёки маълумотлар тўлиқ кўрсатилмаган тақдирда, шунингдек, давлат хизмати кўрсатиш учун йиғим тўланмагандан сўровнома автоматик равишда рад этилади ҳамда бу ҳақида ариза берувчига онлайн режимида автоматик тарзда электрон жавоб қайтарилади.

Давлат хизматлари кўрсатиш бошқа асосларга кўра рад этилишига йўл қўйилмайди.

9. Ариза берувчи томонидан киритилган барча ҳужжатлар ЯИДХП орқали реал вақт режимида автоматик тарзда доимий яшаш ёки вақтинча турган жойи бўйича ДИҲХХ органига ёки ушбу худудда фаолият юритувчи тадбиркорлик субъектига юборилади.

Бунда ариза берувчи томонидан сўровномани тўлдириш жараёнида имтиҳон топшириш учун аниқ бир худуд ёки ташкилотни танлаш имконияти яратилади.

10. ДИХХХ органининг ёки тадбиркорлик субъектининг масъул ходими бир иш кунида имтиҳонларни қабул қилиш учун хужжатларни расмийлаштириш юзасидан:

а) тушган электрон ариза ва унга илова қилинган хужжатларниң түғри тўлдирилганлиги ва тўлиқлигини, шунингдек, тегишли тўловларниң тўланганлигини текширади;

б) хужжатлар түғри ва тўлиқ бўлган тақдирда, уларни алоҳида электрон журналга киритади ҳамда ариза берувчининг назарий имтиҳонга қўйилганлигини қайд этади.

Бунда тушган ариза ва унга илова қилинган хужжатларда камчиликлар аниқланган тақдирда, электрон журналга киритиш рад этилиб, бу ҳақида ариза берувчига ЯИДХП орқали матрик штрихли код қўйилган ва масъул ходимнинг ЭРИси билан тасдиқланган хабарнома жўнатилиб, камчиликларни бартараф этиш юзасидан батафсил тушунтириш берилади.

Ариза берувчи аризаси рад этилганлиги тўғрисидаги хабарномани олган кундан бошлаб 30 календарь кун мобайнида хужжатлардаги камчиликларни тўғрилаб, давлат хизматларини қўрсатиш учун йиғим тўламаган ҳолда такроран мурожаат қилиш ҳуқуқига эга.

Бунда ЯИДХП орқали ушбу бандда қўрсатилган муддатларда такрорий мурожаатни тегишли ДИХХХ органига ёки тадбиркорлик субъектига юборади;

в) келгуси 10 иш куни ичида назарий имтиҳон топширишнинг аниқ санаси ва вақти, шунингдек, имтиҳон топшириладиган тегишли ДИХХХ органи ёки тадбиркорлик субъекти қўрсатилган хабарномани расмийлаштиради ҳамда уни матрик штрихли код қўйилган ва ходимнинг ЭРИси билан тасдиқланган ҳолда ариза берувчига ЯИДХП орқали электрон шаклда юборади.

11. ДИХХХ органининг масъул ходими миллий ҳайдовчилик гувоҳномасини алмаштириш ва йўқолгани ўрнига янгисини бериш юзасидан бир иш кунида:

а) тушган электрон ариза ва унга илова қилинган хужжатларниң түғри тўлдирилганлиги ва тўлиқлигини, шунингдек, тегишли тўловларниң тўланганлигини текширади;

б) хужжатлар түғри ва тўлиқ бўлган тақдирда, уларни алоҳида электрон журналга киритади ҳамда миллий ҳайдовчилик гувоҳномасини расмийлаштириш (алмаштириш ва йўқолгани ўрнига янгисини бериш)га рухсат беради.

Бунда тушган ариза ва унга илова қилинган хужжатларда камчиликлар аниқлаган тақдирда, электрон журналга киритиш рад этилиб, бу ҳақида ариза берувчига ЯИДХП орқали матрик штрихли код қўйилган ва ходимнинг ЭРИси билан тасдиқланган хабарнома жўнатилиб, камчиликларни бартараф этиш юзасидан батафсил тушунтириш берилади.

Низомда белгиланган алоҳида ҳолларда ариза берувчига назарий ва (ёки) амалий имтиҳонларни топширганидан сўнг миллий ҳайдовчилик гувоҳномаси берилиши ҳақидаги хабарнома юборилиб, унда бунинг учун топширилиши лозим бўлган ҳужжатлар ҳақида тушунтириш берилади.

Имтиҳон топшириш ушбу Регламент ва Низомда белгиланган тартибда амалга оширилади.

Ариза берувчи аризаси рад этилганлиги бўйича хабарномани олган кундан бошлаб 30 календарь кун мобайнида ҳужжатлардаги камчиликларни тўғрилаб, давлат хизматларини кўрсатиш учун йиғим тўламаган ҳолда такроран мурожаат қилиш хуқуқига эга.

Бунда ЯИДХП орқали ушбу бандда кўрсатилган муддатларда тақорий мурожаатни тегишли ДИХХХ органига ёки тадбиркорлик субъектига юборади;

в) келгуси 10 иш куни ичида миллий ҳайдовчилик гувоҳномасини алмаштириш ёки янгисини олиш бўйича мурожаат қилиш ҳақидаги аниқ сана ва вақт белгиланган, шунингдек, тегишли ДИХХХ органи кўрсатилган хабарномани расмийлаштириб, уларни матрик штрихли код қўйилган ва ходимнинг ЭРИси билан тасдиқланган ҳолда ариза берувчига ЯИДХП орқали электрон шаклда юборади.

12. Ариза берувчи имтиҳонларни топшириши юзасидан:

а) ҳайдовчиликка номзодлар шахсини тасдиқловчи ва сўровномага илова қилинган ҳужжатларнинг асли билан бирга хабарномада кўрсатилган тегишли ДИХХХ органига ёки тадбиркорлик субъектига белгиланган сана ва вақтда назарий имтиҳонда қатнашиш учун етиб келиши лозим.

Ариза берувчи узрли сабабларсиз белгиланган сана ва вақтда назарий имтиҳонга етиб келмаган ёки тегишли ҳужжатларнинг аслини тақдим этмаган тақдирда, имтиҳонни қабул қилувчи масъул ходим назарий имтиҳон ўтказилмаганлиги ҳақидаги хабарномани шу куннинг ўзида электрон аризаларни кўриб чиқиш учун масъул ходим (иш жойи)га юборади.

Масъул ходим ариза берувчининг белгиланган сана ва вақтда назарий имтиҳонга етиб келмаганлиги ёки тегишли ҳужжатларнинг аслини ДИХХХ органига ёки тадбиркорлик субъектига тақдим этмаганлиги сабабли рад этилганда, узрли сабабларни исботловчи ҳужжатлар 10 иш куни ичида тақдим этилган тақдирда, давлат хизматларини кўрсатиш учун йиғим тўламаган ҳолда имтиҳон қабул қилиниши мумкинлиги ҳақида матрик штрихли код қўйилган ва ходимнинг ЭРИси билан тасдиқланган ҳолда бир иш куни ичида ариза берувчига ЯИДХП орқали электрон шаклда хабарнома юборади.

Ариза берувчи узрли сабабларга кўра белгиланган вақтда назарий имтиҳонга етиб келмаганлиги ёки тегишли ҳужжатларнинг асли тақдим этилмаганлиги ҳақидаги маълумот рад этилишини тасдиқлай олмаса, унинг сўровномаси рад этилади. Бунда ариза берувчи ушбу Регламентнинг

7-бандида назарда тутилган йифим суммасини тўлаган ҳолда давлат хизматларидан такроран фойдаланиш ҳукуқига эга бўлади;

б) ариза берувчи ДИХХХ органида ёки тадбиркорлик субъектида инсон омилини истисно этувчи назарий имтиҳонларни қабул қилиш тизими орқали белгиланган тартибда назарий имтиҳондан ўтган тақдирда, унга дарҳол тизим орқали автоматик тарзда амалий имтиҳонга рухсат берилади ҳамда 2 ойлик муддат ичидаги амалий имтиҳон топшириши лозимлиги ҳақида огоҳлантирилади.

Ариза берувчи назарий имтиҳондан ўтмаган тақдирда, унга дарҳол тизим орқали автоматик тарзда 7 календарь кун ўтганидан сўнг назарий имтиҳонни такроран топшириши мумкинлиги ҳақида маълумот берилади.

Ушбу муддат ўтмагунга қадар тизим томонидан ариза топширувчига такроран назарий имтиҳон топширишга рухсат берилмайди. Келгуси назарий имтиҳонни топширишда ариза берувчи имтиҳондан ўтмаган тақдирда ҳам тизим автоматик тарзда шу жараённи такрорлайди. Бунда назарий имтиҳонларни такроран топшириш сони чекланмайди;

в) ариза берувчи инсон омили аралашмаган ҳолда (Низомда белгиланган алоҳида ҳоллар бундан мустасно) сунъий онг орқали баҳоланадиган фақат маҳсус ташкил этилган автодромда белгиланган вақтда амалий имтиҳонларни топширади.

Ариза берувчи назарий имтиҳонни топширганидан сўнг 2 ойлик муддат ичидаги амалий имтиҳонни топшириши лозим. Бунда тизим автоматик тарзда амалий имтиҳонни такроран топшириш вақтини 7 календарь кундан кейинги кунларга белгилайди. Агар ариза берувчи 2 ойлик муддатда амалий имтиҳонни топшира олмаса, тизим автоматик тарзда уни яна назарий имтиҳон топширишга қайтаради.

Назарий ва амалий имтиҳонларни қайта топшириш ушбу Регламент ва Низомда назарда тутилган тартибда амалга оширилади;

г) ариза берувчи амалий имтиҳонни топширган тақдирда, тизим автоматик тарзда:

ариза берувчига миллий ҳайдовчилик гувоҳномасини олишга рухсат бериб, бунинг учун зарур бўлган ҳужжатларни ДИХХХ органига тақдим этиш бўйича маълумот беради;

тегишли ДИХХХ органига миллий ҳайдовчилик гувоҳномасини расмийлаштириш бўйича хабарнома юборади;

д) ариза берувчи ўзи хоҳлаган вақтда тегишли ДИХХХ органига миллий ҳайдовчилик гувоҳномасини олиш бўйича мурожаат қилиб, фотосуратга тушади ва шу куннинг ўзида миллий ҳайдовчилик гувоҳномасини қабул қилиб олади.

13. Ариза берувчи миллий ҳайдовчилик гувоҳномасини алмаштириш ва йўқолгани ўрнига янгисини бериш юзасидан:

а) ариза берувчи шахсини тасдиқловчи ва сўровномага илова қилинган хужжатларнинг асли билан бирга хабарномада кўрсатилган тегишли **ДИҲХХХ** органига белгиланган сана ва вақтда миллий ҳайдовчилик гувоҳномасини алмаштириш ёки йўқолгани ўрнига янгисини олиш учун келиб, фотосуратга тушади.

Ариза берувчи бир йил мобайнида миллий ҳайдовчилик гувоҳномасини расмийлаштириш, шу жумладан, алмаштириш ёки йўқолгани ўрнига янгисини олиш учун келмаган ёки тегишли хужжатларнинг аслини тақдим этмаган тақдирда, тизим автоматик тарзда ариза берувчига миллий ҳайдовчилик гувоҳномасини расмийлаштиришни рад этади. Бунда ариза берувчи гувоҳномани алмаштириш ёки йўқолгани ўрнига янгисини олиш учун ушбу Регламентнинг 7-бандида назарда тутилган йиғим суммасини тўлаган ҳолда давлат хизматларидан такроран фойдаланиш хуқуқига эга;

б) тайёр бўлган миллий ҳайдовчилик гувоҳномасини белгиланган тартибда қабул қилиб олади. Бунда хужжатларни топшириш, фотосуратга тушиш, ҳайдовчилик гувоҳномасини расмийлаштириш ва уни ариза берувчига топшириш шу куннинг ўзида амалга оширилади.

14. Ариза берувчи тайёр бўлган миллий ҳайдовчилик гувоҳномасини қабул қилиб олмаган тақдирда, унинг гувоҳномаси архивда икки йилгача сақланади.

Сақлаш муддати ўтиб кетган тақдирда, миллий ҳайдовчилик гувоҳномаси белгиланган тартибда йўқ қилинади.

15. Ариза берувчи унинг аризаси **ДИҲХХХ** органи ёки тадбиркорлик субъекти томонидан электрон журналда рўйхатга олингунга қадар давлат хизматларидан фойдаланишдан бош тортиш ва тўланган йиғим суммасини қайтариб олиш хуқуқига эга. Ариза электрон журналда рўйхатга олинганидан сўнг давлат хизматларидан фойдаланиш рад этилганда, тўланган йиғим суммаси қайтарилмайди.

Ариза берувчи давлат хизматларидан фойдаланишдан бош тортганда, унинг сўровномаси кўрилмасдан қолдирилади.

З-боб. Якунловчи қоидалар


16. **ДИҲХХХ** органлари ва тадбиркорлик субъектлари ўз фаолиятини амалга ошириши натижасида олинган маълумотларнинг сир сақланишини таъминлайди.

17. Ариза берувчилар давлат органлари ва бошқа ташкилотлар ходимларининг хатти-ҳаракатлари юзасидан қонун хужжатларида белгиланган тартибда шикоят қилишлари мумкин.

18. Ушбу Регламент талабларининг бузилишида айбор бўлган шахслар қонун хужжатларида белгиланган тартибда жавоб берадилар.

Автомотранспорт воситалари ва шаҳар электр транспорти
воситалари ҳайдовчилигига номзодлардан имтиҳонларни
қабул қилиш учун хужжатларни ва миллий ҳайдовчилик
гувоҳномасини расмийлаштириш бўйича давлат
хизматлари кўрсатишнинг маъмурий регламентига
1-илова

**Автомотранспорт воситалари ва шаҳар электр транспорти воситалари ҳайдовчилигига
номзодлардан имтиҳонларни қабул қилиш учун хужжатларни ва миллий ҳайдовчилик
гувоҳномасини расмийлаштириш бўйича давлат хизматлари кўрсатиш
СХЕМАСИ**



Босқичлар	Субъектлар	Тадбирлар	Муддатлар
4-босқич	ДИХХХ органи ёки тадбир- корлик субъекти	Хайдовчиликка номзоддан назарий ва амалий имтихонларни қабул қиласы.	Хабарномада белгиланган сана ва вактда
5-босқич	Ариза берувчи	Хабарномада күрсатылған жойга белгиланган сана ва вактда бориб миллий хайдовчилик гувохномасини расмийлаштириш учун хужжатларни тақдим этади ва фотосуратта тушади.	Хабарномада белгиланган сана ва вактда
6-босқич	ДИХХХ органи ёки Давлат хизматлари маркази	Миллий ҳайдовчилик гувохномасини расмийлаштиради ва ариза берувчига тақдим этади.	1 кун ичида

Автомототранспорт воситалари ва шаҳар электр транспорти воситалари ҳайдовчилигига номзодлардан имтиҳонларни қабул қилиш учун ҳужжатларни ва миллий ҳайдовчилик гувоҳномасини расмийлаштириш бўйича давлат хизматлари кўрсатишнинг маъмурий регламентига 2-илова

(сана)

(ракам)

Автомототранспорт воситалари ва шаҳар электр транспорти воситалари ҳайдовчилигига номзодлардан имтиҳонларни қабул қилиш учун ҳужжатларни ва миллий ҳайдовчилик гувоҳномасини расмийлаштириш бўйича давлат хизматларидан фойдаланиш учун

СЎРОВНОМА

I. Ариза берувчи тўғрисида маълумот:

Имтиҳон топшириш учун	
1. Фамилияси, исми, отасининг исми:	
2. Туғилган санаси:	
3. Доимий рўйхатда туриш манзили:	
4. Вақтингчалик яшаш манзили:	
5. ЖШ ШИР:	
6. Телефон рақами:	
7. Электрон почта манзили (агар мавжуд бўлса):	
8. Нечанчи марта имтиҳон топшириши:	
9. Қайси турдаги автомототранспорт воситаларини бошқариш бўйича имтиҳон топшириши:	
10. Ҳайдовчиларни тайёрлаш бўйича ўқиган ўқув муассасаси номи ва жойлашган тумани (шаҳар)	
11. Ўқишни бошлаган ва тугатган вақти, ўқув гуруҳи рақами:	
12. Имтиҳон топшириш худуди: *	
13. Ногиронлиги (кар ёки кар-соқов ва бошқалар) тури:	
14. Трамвай, троллейбус бошқариш бўйича имтиҳон топшириш:	
Миллий ҳайдовчилик гувоҳномасини алмаштириш ёки йўқолгани ўрнига янгисини олиш учун	
1. Фамилияси, исми, отасининг исми:	
2. Туғилган санаси:	
3. Доимий рўйхатда туриш манзили:	

4. Вақтингалик яшаш манзили:	
5. ЖШ ШИР:	
6. Телефон рақами:	
7. Электрон почта манзили (агар мавжуд бўлса):	
8. Хизматдан фойдаланиш тури: **	
9. Доимий рўйхатда туриш худудидан бошқа худуддаги ДИҲХХХ органида гувоҳномани расмийлаштириш истаги:	
10. Алмаштирилаётган ёки йўқолган гувоҳномада бошқаришга руҳсат этилган автомотранспорт воситаларининг тури:	
11. Охирги 12 ой давомида автомотранспорт воситасини бошқарганлиги:	
12. Нечанчи марта гувоҳномани алмаштириши ёки йўқолгани ўрнига янгисини олиши:	
13. Автомотранспорт воситасини бошқариш учун вақтингалик руҳсатнома зарурлиги:	

II. Сўровномага илова:

Автомотранспорт воситалари ва шаҳар электр транспорти
воситалари ҳайдовчилигига номзодлардан имтиҳонларни
қабул қилиш ҳамда миллий ҳайдовчилик гувоҳномасини
расмийлаштириш учун зарур бўлган ҳужжатларнинг электрон
шакли: ***

Изоҳ.

*) Ариза берувчи ўзига қулай бўлган ҳудудда жойлашган ДИҲХХХ органини ёки
тадбиркорлик субъектини белгилashi лозим;

**) Ариза берувчи хизматдан фойдаланиши турини, яъни миллий ҳайдовчилик
гувоҳномасини алмаштириши ёки йўқолгани ўрнига янгисини олиши истагида эканлигини белгилashi
лозим;

***) Хизмат туридан келиб чиқиб ҳужжатлар рўйхати ва улар ҳақидаги маълумот
тегишили Низом талаблари асосида автоматик тарзда белгиланади.



Ариза берувчининг
электрон рақамли имзоси